

nam nostræ protectionis et constitutionis infringere, **A** vel ei ausu temerario contraire. Si quis autem hoc attentare præsumperit, indignationem omnipotentis Dei et beatorum Petri et Pauli apostolorum ejus se noverit incursum.

Datum Romæ, apud S. Petrum, vi Idus Februarii, pontificatus nostri anno primo.

LVIII.

Patriarchæ Gradensi decimas ecclesiæ S. Archidani Constantinopolitanæ concedit, utque in ejusdem ecclesiæ capellis jure conventuali utatur, permittit.

(Romæ, ap. S. Petrum, Febr. 11.)

[UGHELLI, *Italia Sacra*, V, 1133.]

COELESTINUS episcopus, servus servorum Dei, venerabili fratri Graden. patriarchæ, salutem et apostolicam benedictionem.

Si quando a fratribus, et coepiscopis nostris a nobis requiritur quod a tramite rationis non deviet, eorum postulationi facile nos convenit præbere consensum, ut eo fortius circa injunctum sibi officium intendere valeant, et in nostra devotione persistere, quo se a nobis benignius, ac celerius senserint exauditos. Inde est, quod cum ecclesia S. Archidani apud Constantinopolim te habere proponas, quidam suffraganeorum tuorum decimas a parochianis ejusdem ecclesiæ, qui de tuis partibus ad earundem parochiam sæpe domicilia transferunt, ea occasione instanter requirunt, quia patres eorum, avi, sive proavi decimas ipsius aliquando persolverunt et ad ipsas decimas extorquendas suos vicarios transmittere non formidant, non attendentes, quod licet **C** ipsi parochiani, eorum aliquando fuerint, ex quæ, se ad alienam parochiam transtulerint, manum non liceat cuiquam in messem mittere alienam. Ideoque nos indemnitati tuæ sollicite providere volentes, fraternitati tuæ præsentium auctoritate concedimus, ut liceat tibi a parochianis præscriptæ ecclesiæ tuæ **B**. Archidani, non obstante quod eorum antecessores prædictis suffraganeis tuis, dum in ipsorum parochia permanebant, decimas persolverunt, libere decimas percipere et tenere. Nihilominus etiam jus conventuale, quod in capellis ecclesiæ prænominatæ tibi de jure competit, sine contradictione cujuslibet de auctoritate nostra, valeas exercere.

Nulli ergo omnino hominum liceat hanc paginam nostræ concessionis infringere, aut ei ausu temerario contraire. Si quis autem hoc attentare præsumperit, indignationem omnipotentis Dei, et beatorum Petri et Pauli apostolorum ejus se noverit incursum.

Datum Romæ, apud S. Petrum, iii Idus Februarii, pontificatus nostri anno .

LIX.

J[oanni], archiepiscopo Lugdunensi, et ejus suffraganeis significat, se monachis Cluniacensibus concessisse ut universos malefactores suos et hominum suorum, qui de provincia fuerint Lugdunensi, si eorum episcopi et ecclesiarum prælati ab eisdem fuerint fratribus tertio requisiti et eos ad satisfa-

*ctionem illis congruam exhibendam non duxerint compellendos, licitum sit eis illos, candelis accensis, excommunicationis sententiæ atque interdicti sub-
jicere.*

(Romæ, ap. S. Petrum, Febr. 15.)

[*Bullar. Cluniac.*, 94.]

COELESTINUS episcopus, servus servorum Dei, venerabilibus fratribus J. Lugdunensi archiepiscopo et suffraganeis ejus, et dilectis filiis abbatibus, decanis et aliis ecclesiarum prælati per Lugdunensem provinciam constitutis, salutem et apostolicam benedictionem.

Licet universa loca religiosa fovere, ac diligere teneamur, illis tamen propensiori cura intendere nos oportet, quæ sub beati Petri jure consistunt et, **B** nullo mediante, ad provisionem nostram pertinent et tutelam. Inde est quod nos monasterium Cluniacense contra molestaciones indebitas speciali volentes libertatis privilegio communire, apostolica ejusdem monasterii fratribus auctoritate indulsumus, ut universos malefactores suos et hominum suorum, qui de provincia fuerint Lugdunensi, si eorum episcopi et ecclesiarum prælati ab eisdem fuerint fratribus tertio requisiti, eos ad satisfactionem illis congruam exhibendam non duxerint compellendos, licitum sit eis suisque successoribus illos, candelis accensis, auctoritate apostolica excommunicationis sententiæ atque interdicti sub-
C jicere, quos tandiu nuntient excommunicationis et interdicti vinculo innodatos, donec de perpetratis excessibus satisfecerint competenter; et, si delicti qualitas hoc exegerit, ad apostolicam sedem cum litterarum suarum testimonio venerint absolvendi.

Libertates præterea et immunitates, ac rationabiles consuetudines ipsius monasterii hactenus observatas ratas esse decrevimus, et eas auctoritate apostolica ipsis fratribus, suisque successoribus confirmavimus, arctius inlibentes ne quis possessiones, jura vel bona ejusdem monasterii, præter sedis apostolicæ conscientiam, cui specialiter est subjectum, quomodolibet alienare, vel antiquas et rationabiles ipsius monasterii consuetudines hactenus observatas violare præsumat. Quod si fuerit a quoquam attentatum, statuimus omnino irritandum.

D Præterea quoniam, ut audivimus, parochiani vel ad eos vel ad eorum cellas pertinentes, qui pro manifestis excessibus a memoratis fratribus quomodolibet sententiam ecclesiasticæ districtiōnis incurrunt, interdum ad alia loca se transferunt, ut sic sententiam et justitiam fratrum eludant ipsorum; districtè mandamus atque præcipimus ut eos, qui taliter duxerint correctionem ecclesiasticam contemnendam, et alios malefactores eorundem fratrum, qui vel a vobis vel ab ipsis, aut ab aliis fuerint excommunicationis et interdicti vinculo innodati, cum requisiti fueritis, per parochias vestras tandiu sicut excommunicatos et interdictos faciatis ab omnibus, appellatione postposita, evitari, donec iidem malefactores satisfacere compellantur: et, si

delicti qualitas hoc exegerit, ad sedem apostolicam A cum testimonio litterarum abbatis vel capituli veniant absolvendi. Vobis quoque districtius inhibemus, ut sententiam ab ipsis fratribus in suos vel hominum suorum malefactores latam auctoritate propria nullatenus relaxetis.

Datum Romæ apud Sanctum Petrum, xv Kalendas Martii, pontificatus nostri anno primo.

LX.

Ecclesiæ Eugubinae possessiones, rogatu Bentivoli episcopi confirmat.

(Laterani, Febr. 25.)

[UGHELLI, *Italia sacra*, I, 641.]

COELESTINUS episcopus, servus servorum Dei, venerabili fratri BENTIVOLO Eugubino episcopo, ejusque successoribus canonice promovendis in perpetuum.

Quoties illud a nobis, etc., impertiri, etc. Quocirca, ven. fr. episcopé, tuis justis postulationibus clementer impertimur assensum, et Eugubinam Ecclesiam, cui, auctore Deo, præesse dignosceris, ad exemplum felicitatis recordationis Alexandri prædecessoris nostri Rom. pontif. cum omnibus ad eam pertinentibus, præsentis scripti pagina communimus, statuentes, ut quascunque possessiones, quæcunque bona, quæ eadem Ecclesia impræsentiarum juste et canonice possidet, aut in futurum concessione pontificum, largitione regum vel principum, oblatione fidelium, seu aliis justis modis, Deo propitio, poterit adipisci, firma tibi, tuisque successoribus, et illibata permaneat. In quibus hæc propriis duximus exprimenda vocabulis:

Possessionem Cerri, et Cragnani, et ecclesiam S. Cypriani, castrum Albaneti cum pertinentiis suis, castrum Anea cum pertinentiis suis, castrum S. Mariæ, castrum Salicæ, castrum in Monte, duas partes castri Anagni, castrum collis Casalis, castrum Tertiani, castrum Castilionis Ildebrandi, castrum castelionæ Mariaulæ, castrum Carbonanæ, castellare post Serram, castellare Sasallera, castrum Burani, dimidium cum publicis circumjacentibus, castrum Arsenii, partem quam Theobaldus dedit episcopatu, cum dimidia cunctarum possessionum suarum, castellare Albaneti, castellare Majulæ, castellaris Seuctiani, partem cum villa Decimi, castellare Scattioli, et ecclesiam S. Clementis cum suis pertinentiis, medietatem, castelliones Montis Calui, castellare Agellionis, curtem Campelliones, ecclesiam S. Donati cum suis pertinentiis, canonicam S. Secundi prope dictam civitatem sitam cum omnibus suis pertinentiis, et ecclesiam S. Laurentii, et ecclesiam S. Martini cum omnibus earum pertinentiis, terram S. Mariani, quam tenent filii Carboni, ecclesiam S. Mariæ ad Mertam cum suis pertinentiis. Præterea studii tui sit primitias, decimas, oblationes, tam vivorum quam mortuorum, secundum canonicas distribuere sanctiones.

Decernimus ergo, etc.

Ego Cœlestinus, catholicæ Ecclesiæ episcopus.

Ego Albinus, Albanensis episcopus.

Ego Joannes, Prænestinus episcopus.

Ego Pandulphus, bas. XII Apostolorum presbyt. card.

Ego Melior, SS. Jo. et Pauli presb. card. tit. par.

Ego Romanus, tit. S. Anastasiæ presb. card.

Ego Joannes, tit. S. Stephani in Cœlio monte presb. card.

Ego Gratinus, SS. Cosmæ et Damiani diac. card.

Ego Gerard., S. Adriani diac. card.

Ego Rofredus, S. Mariæ Inviolatæ diac. card.

Ego Joannes, S. Theodori diac. card.

Ego Bernardus, S. Mariæ Novæ diac. card.

Ego Lotharius, SS. Sergii et Bacchi diaconus B card.

Ego Nicolaus, S. Mariæ in Cosmedin diac. card.

Dat. Laterani, per manum Ægidii S. Nicolai in Carcere Tulliano diaconi card., v Kal. Martii, ind. x, Incarn. Dom. an. 1191, pontif. vero D. Cœlestini III anno I.

LXI.

Monasterio Clunacensi ecclesias quasdam asserit.

(Laterani, Febr. 27.)

[*Bullar. Cluniac.*, p. 94.]

COELESTINUS episcopus, servus servorum Dei, dilectis filiis abbati et monachis Cluniacen., salutem et apostolicam benedictionem.

Piis petentium desideriis dignum est nos facilem præbere consensum, et vota quæ a recto rationis tramite non discordant, effectu prosequente complere. Eapropter, dilecti in Domino filii, vestris justis postulationibus grato concurrentes assensu, ecclesiam Sanctæ Mariæ Montis-Meruti juxta Bellanvillam de Sollenat, et Sancti Desiderii ecclesias in archiepiscopatu Lugdunensi, et ecclesiam de Hermes in episcopatu Bellicensi, sicut eas juste et pacifice possidetis, vobis et per vos monasterio vestro auctoritate apostolica confirmamus.

Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei et beatorum Petri et Pauli apostolorum ejus se noverit incursum.

Datum Laterani, III Kal. Martii, pontificatus nostri anno primo.

LXII.

Ad [Bentivolium] episcopum et clerum Eugubinum. — De sancti Ubaldi canonizatione.

(Laterani, Mart. 4.)

[MANSI, *Concil.*, XXII, 596.]

COELESTINUS episcopus, servus servorum Dei, venerabili fratri B. episcopo, et dilectis filiis B. priori, et clero, et populo Eugubino, salutem et apostolicam benedictionem.

Benedictus Deus in donis suis, et sanctus in omnibus operibus suis, qui secundum multitudinem miserationum suarum illis qui natura fuerant filii